

欽定中樞政考

定內樞政考目錄卷之十三

八旗

禁令

禁止佐領下科派

嚴禁旗員需索

盛京人員因犯貪劣叅革不准居住原處

禁止

盛京官兵攬集分金

外官不許謁見王公

欽定四庫全書  
卷一百一十三  
大臣官員不得與太監交接

王公大臣不得派入探聽

召見起數人名及任外公事

嚴禁差遣太監滋事

呈遞奏章不得擅自撤出

禁止旗人潛移城外居住

旗員兵丁居住城外

官員城外過宿

宗室不得出城居住

嚴禁大臣官員勒索

嚴禁放官吏債

嚴禁私役爲奴遺犯

官員出外行走不許私去頂帶

科歛攢湊財物

將軍大臣到任各處蒙古回子等餽送禮物

回賞伊等物件

禁止餽送上司如意

餽送上司禮物

禁令屬員購買物件

隨任子弟親戚干預公事

王等擾累旗下人員

旗人生事擾害地方

旗人私自出境

莊頭家人生事

官員宿娼犯姦

官員闖殿

官員罵詈

官員脫逃

佐領等借放印子轉子銀錢

保借銀兩

禁止官員入善會

查禁旗人入園館

禁止旗人酗酒

禁止額魯特回衆混行闖走

嚴禁婦女入寺

禁止攔棺

妄行鎖禁官員

私請喇嘛

補官爭告

叅後許告

侵欺官賞

看守城門

禁止佐領下科派

雍正元年三月丙奉

上諭八旗各佐領下私行科派殊非善事貧乏兵丁所恃以爲生者惟在錢糧嗣後凡佐領下一應公中事務概不許私行派取若有擅行私派者卽以作弊治罪將此著八旗都統等知之特諭欽此



嚴禁旗員需索

雍正元年六月內奉

上諭旗員爲外吏者每爲該旗都統叅領等官所制自  
司道以至州縣於將選之時必勒索重賄方肯出結  
咨部及得缺之後復遣人往其任所或稱平日受恩  
勒令酬報或稱家有婚喪等事緩急求助或以舊日  
私事要挾至五旗諸王府不體下情分外勒取或縱  
管事人員肆意貪求種種勒索不可枚舉以致該員  
竭蹶饋送不能潔已自好凡虧空公帑罹罪罷黜者

多由於此嗣後如有仍蹈前轍恣意需索等弊許木  
官據實密詳督撫轉奏督撫卽據詳密奏倘督撫瞻  
顧容隱卽許本官封章密揭都察院轉爲密奏倘不  
爲奏聞卽各御史亦得據揭密奏務期通達下情以  
除積弊外任旗員勿得隱忍畏懼朕不治以干犯舉  
首之罪特諭欽此

盛京人員因犯貪劣叅革不准居住原處

雍正五年三月內奉

上諭盛京人員習氣澆薄營謀鑽刺朋比侵盜甚是無恥屢加教誡終不悛改皆緣犯法叅革究治之後仍在本地方居住往往生事滋擾誘人爲非無所不至此等敗類若不卽令遷移望風俗之歸淳厚終不可得嗣後盛京居住滿洲蒙古漢軍文武官員除因公望誤獲罪者仍准本地方居住外其犯侵盜虧欠錢糧及奸貪訛詐之事降革者酌其所犯事由或令來京

歸旗或著於各省滿洲駐防之處安插如此則不肖之徒漸少而盛京澆薄之習可息爾三部嗣後凡遇盛京人員犯罪案件俱照此定擬仍將從前盛京旗員所犯侵盜錢糧奸貪詭詐等案內廢員查明奏聞

欽此

禁止

盛京官兵攢集分金

雍正七年十月內奉

上諭聞盛京之部屬旗員兵丁等每遇陞轉遷移及喜慶等事俱攢集分金彼此餽送而無力之微員及兵丁人等亦不得不勉強從事往往日用不敷而此例不能廢甚以爲苦禮記云貧者不以貨財爲禮盛京此等陋習皆由於生事結納之人倡率於先遂至相習成風莫知省改此亦風俗之所當禁約者著該管

各官通行曉諭嗣後除吉凶大禮本人情誼敦篤情  
願自行餽送外倘遇尋常陞轉喜慶之事不許摺集  
分金務虛文而耗實用倘或不遵該管官查出將本  
人及爲首邀約者一併照京城例懲治特諭欽此

外官不許謁見王公

乾隆三十四年十月內奉

上諭嗣後各王公屬下人等惟京員向各門往來仍照舊不禁外現居外任職官因事來京者概不許於本管王公處謁見通問以清弊源著爲令倘仍不知省改或久而復沿故轍一經發覺除本人從重治罪外其本管王公等亦一體懲治必不稍爲寬貸欽此

大臣官員不得與太監交接

乾隆三十九年七月內奉

上諭向來在京師院各衙門陳奏事件及外省督撫等  
齎奏差弁赴宮門具摺設有奏事官員接遞轉交奏  
事太監進呈所以嚴內外之防使宦寺人等概不得  
與外人交接法至善也乃近來奏事官員日久懈弛  
致有山東隨至天津之叅將王普與太監高雲從認  
識聽其囑托高雲從不過寫字處下賤太監何得與  
外省叅將相識則是太監等與外廷官員在宮門覲



面交談之處大概可知奏事處向派有御前侍衛一員管理原以察查各項弊竇今春寧在奏事處於此等情事不能稽管所司何事春寧不必管理奏事處之事仍交御前大臣議罪另派安泰代管安泰向曾管理此事今行走雖不及昔日而稽察管束尙所能爲務益小心謹慎若再有太監與外廷官員人等在宮門交言讖面之處惟安泰是問嗣後除軍機處應奏事件仍照舊交奏事太監呈進外其餘各部院衙門奏摺俱悉從奏事官員接收轉交卽內務府衙門

一切事件雖係家務亦著由奏事官員轉交概不得由奏事太監等接奏大臣官員等並不得與太監交談如敢再有違犯必將伊等從重治罪著將此旨嚴切傳諭奏事處及各衙門知之欽此

王公大臣 不得派人探聽

召見起數人名及任外公事

嘉慶二十四年六月內奉

上諭前據刑部奏書吏誤抄諭旨一案派軍機大臣審訊據抄寫事件之張光裕等供出各王公及內務府大臣前鋒統領護軍統領等每日俱派有聽事之人探聽事件啟知本管王公大臣除內務府大臣及所派筆帖式等已另降諭旨懲處外宗室王公內有兼職任者所管之事本屬無多前鋒統領等職任亦簡

並不若內務府大臣事務繁劇尙有須隨時通知者本不應派有聽事之人卽或派人亦祇應專聽本管公事不應令其將召見起數人名及外衙門之事隨時探聽附稟其無職任之王公等並無應辦事件如布蘭泰之患病家居更屬閒散乃亦每日派人探聽公事尤屬無謂不知其意何居不可不分別示懲肅親王永錫莊親王綿課儀親王成親王貝勒永珠公綿齡奕顥祿義均兼職任慶郡王永璘雖無職任係在內廷行走及前鋒統領載銓護軍統領博啟圖蘇

冲阿長慶副都統舒明阿俱著交軍機大臣會同宗人府兵部嚴議具奏其無職任之禮親王麟祉睿親王端恩豫親王裕興克勤郡王尙格順承郡王倫柱貝勒永珩永鎰綿譽奕繪奕綺貝子奕緒載錫祥端公布蘭泰俱著加等嚴議具奏其所派之護衛護軍等係由本官差遣著無庸議欽此

嘉慶二十四年七月內奉

硃諭朝廷設官分職各有職守分內之事尙且自顧不暇何必旁求他務大廷日行政事自有內閣傳宣布

告天下原不祕密必欲先知差人偵探其心不可問  
矣至於日口召見內外大小臣工乃我朝之善政良  
法永遠奉行切勿怠忽若前明專任中涓宰相皆不  
識面淪胥以亡可不戒乎孰意近來惡習竟將按日  
召見人名先後次序各處報知以爲趨奉鑽營之本  
其心益不可問矣有職任者藉口探聽本任差務而  
別衙門之事皆推卸於附稟事後遁辭其誰欺乎尤  
可異者毫無職任閒散王公日日差人偵探政事分  
旗結伴又假手吏胥弄但心不可問而且形跡可疑

此內布蘭秦殘廢在家亦差人偵探實屬竒怪至極  
之事矣若再不力加整頓必致政出多門壞法亂紀  
朝綱委靡不能救藥揣摩迎合狗苟蠅營成何政體  
乎朕兄儀親王年已七十有四精力漸衰所管之處  
甚多恐有遺誤是以差人探聽况素常並非喜於探  
聽事務朕自知之總因年長之故其情可原朕不忍  
勞煩長兄有失頤養祇留內廷行走以昭恩眷平日  
不必入直惟典禮朝賀筵宴迎送等事再進來行走  
所有各項職任全行開缺另派人管理成親王前已

獲咎此次同儀親王俱著寬免以示友于議親之至  
意其餘所有職任之肅親王永錫等各折罰王貝勒  
公俸六年不兼職任之禮親王麟祉等各折罰王貝  
勒貝子公俸十二年載銓等依議所有各家聽事人  
等本應全行斥革此次姑從寬免自今日始王公大  
臣再有探聽召見起數及任外公事者本人革職探  
事之人發往伊犁朕言不再各宜凜遵特諭欽此



嚴禁差遣太監滋事

乾隆四十年四月內奉

上諭從前康熙年間王府太監等尙有前往外省者自雍正年間曾經嚴禁至今多年並無私自出入邊門之人今和郡王太監李雲又復出邊查看馬廠可見相沿日久漸致廢弛其諸王太監似此者亦恐不免此風斷不可長朕從無差遣太監前往各省之事而諸王屬下護衛官員不少並不差遣而必遣太監是導之生事也可乎和郡王綿倫若在朕必併治其罪

今綿倫已故毋庸議處但王府太監干預外事實屬  
惡習若輩在外生事反累及伊主不得不嚴加禁止  
著交宗人府通行傳諭諸王公等嗣後各行嚴加約  
束斷不可擅自差往邊外如有違者朕必將伊主一

併治罪欽此

呈遞奏章不得擅自撤出

嘉慶四年六月內奉

上諭今日朕詣

觀德殿回至北上門面詢御前侍衛兼奏事處行走之  
扎克塔爾以各衙門有無引見官員據奏有宗人府  
引見官八員其時管理宗人府睿親王淳穎隨侍轎  
旁朕意欲詢彼係何項人員而未經降旨淳穎亦無  
一言及至回宮問之奏事太監則稱今日並無引見  
因令軍機大臣查詢旋據軍機大臣遵旨查奏面詢

扎克塔爾據稱本日宗人府遞有引見官八員奏摺  
係伊親自接收後來如何撤去扎克塔爾並不知道  
復詢問管理宗人府王等據淳穎稱本日宗人府本  
遞有引見官八員係淳穎撤去詢問其故則稱因別  
處並無引見是以將奏摺撤出又詢問奏事太監據  
稱此項引見奏摺係奏事處行走之員外郎京文撤  
去各等語此事殊有關繫前次朕特經降旨各衙門  
引見人員如遇朕詣

觀德殿日期應照常帶領不得因此延擱其平時引見

人員無論數員至數十百員總應隨時帶領淳穎豈不知之從前和珅攬權專政將各省奏摺及在京各衙門奏摺任意壓擱最爲伊罪之大者蓋緣和珅以軍機大臣兼御前大臣事權過重內外官員畏其聲勢不敢違拗是以朕親政以來軍機大臣及御前大臣彼此不令相兼所以杜專擅而防壅蔽今淳穎輒將已遞之摺復行撤去是竟欲首先嘗試復和珅之故智矣况宗人府衙門並非淳穎一人居首辦事得專擅撤出如外省州縣衙門遇有官行文書一經

投入卽成案據尙不輕易撤回何況朝廷之乾清門  
章疏旣據呈遞豈有公然擅撤出入自由之理若似  
此陋習相仍設遇有封口奏章或叅劾大臣章疏亦  
可任其徇私托人代爲撤下相爲壅蔽使下情不得  
上達乎卽淳穎之意以朕自

觀德殿回宮正仙天氣暑熱爲朕節勞起見殊不知朕  
日理萬幾年甫四旬從不以此爲勞而入員之引見  
本亦不足爲勞况伊卽因別處並無引見人員不欲  
以該衙門人員特行帶領又何妨豫行商定另行帶

領何得將已遞之摺徑行撤回殊屬膽大此事扎克塔爾於朕詢問時因宗人府奏摺係伊接遞卽據實回奏所奏引見人數亦無錯誤與伊並無不合非因伊係番人故寬其罰而已遞復撤係淳穎一人之過淳穎著交宗人府嚴加議處其奏事處員外郎章等因淳穎令撤卽將奏摺撤出尙係沿從前畏懼和珅之積習卑鄙無恥之風竟未悛改可恨之至朕必力加整頓斷不姑容著交內務府議處至奏事太監等朕平日管束甚嚴伊等因淳穎欲撤奏摺不敢從中

阻止尙屬可原應免置議但此事因係初犯是以從寬辦理嗣後內外衙門凡有陳奏事件一經接受皆應直達朕前聽候批示毋得捺摺擅撤倘有仍蹈前轍者一經查出必當從重治罪决不寬貸也將此通諭知之欽此

嘉慶二十一年四月內奉

上諭本月十一日輪應鑲黃旗值日是日例不應推班該三旗俱值無事各具摺片呈遞蒙古副都統那丹珠因誤記推班日期將該三旗公遞摺片向奏事官



員處一同撤下那丹珠誤記推班其咎尙輕至各衙門陳奏事件應於具奏之前將應遞與否公同酌定若既交奏事官員接收卽應上達朕前王公大臣等斷不准私行撤出那丹珠以內閣學士副都統在批本處行走輒敢如此率意妄爲其重咎實在於此那丹珠著革去內閣學士副都統降三級調用退出批本處現出有鴻臚寺卿一缺卽著那丹珠補授嗣後王公大臣有似此者俱照此降調奏事處官員德寧於該三旗已遞事件聽其撤下亦屬不合德寧著退

出奏事處仍交部議處欽此

禁止旗人潛移城外居住

乾隆四十六年七月內奉

上諭京城八旗滿洲蒙古漢軍兵丁內或有因城內租房居住託言價貴移居各墳塋者或有因城外房租稍賤移居城外者此等移居城外之人漢軍尤多應卽逐令伊等移居城內但城外居住已久而今城內一時不能多得房間反於旗人生計無益似此人等著施恩不必深究亦從寬不必催令搬進城內著交八旗滿洲蒙古漢軍都統等將朕施恩之處通行曉

論該旗各佐領人等務令各遵法度安分謀生仍交各叅佐領等不時稽查不但不可妄生事端此內或有前三門外附近唱戲處所居住任意花費遊蕩或有移居卑污地方攜妓妄行者俱著嚴行禁止其各移在墳塋居住者尙屬可憫何則伊等與其城內租房居住莫若墳塋現有房屋居住每月亦可省租房之費此等人自必守分謀生但移在城外居住殊屬惡習卽如城內城外租房居住俱係一體費用租價若以爲城內房租價貴全行移住城外則城外房價

焉能不貴此顯係不肖旗人託故城外居住便於交  
費遊蕩在熱鬧地方聽戲聽曲甚至攜妓妄行起見  
似此惡習若不嚴加整飭將來旗人不知流至何等  
入旗滿洲蒙古漢軍都統等將朕此諭旨詳加檢閱  
除已在城外安居人等外嗣後斷不再准藉端移居  
城外朕爲養育旗人如此降旨後各該旗都統等俱  
宜感戴朕不究已往之恩各將旗人嚴加管束查明  
有無潛行移在城外居住及有無改過遷善移在城  
內居住之處入旗滿洲蒙古漢軍每年年終各造冊

咨送值年旗由值年旗彙總奏聞以副朕養育旗人  
之至意欽此

旗冒兵丁居住城外

八旗官員兵丁人等概不許居住城外違者  
官員議處兵丁鞭責失察之該管各官俱照

例覈議

例載處分則  
例關禁門

如係宗室交宗人府嚴

加議處其管理宗人府王公交吏部照例察

議

官員城外過宿

一官員無故出城過宿失誤

朝期或有掃墓醫病等事不及進城者各照例議

處

例載處分則  
例關禁門



宗室不得出城居住

嘉慶二十三年十一月內奉

上諭巡視南城御史清安等奏馬甲穆隆阿控告宗室黃六帶同伊子永二永三在廣渠門外石香爐地方租住民房永二酒醉尋鬧出有污辱婦女等語朕屢經降旨宗室不許自稱姓趙姓黃此案被控宗室永二之父乃仍有黃六之稱實屬荒謬管理宗人府王公總不肯實心教訓諸事怠玩朕實抱愧八旗人等例不准移居城外宗室更不應出城居住廣渠門外

石香爐地方永二家並無墳墓在彼乃租住民房尋  
毆滋訟著交宗人府會同刑部秉公審訊按律定擬  
具奏並著宗人府將失察之族長總族長迅速查明  
叅奏其永二一家卽責令該族長總族長於城內覓  
定房屋勒令卽日搬移並查明凡在城外居住之宗  
室一體勒令移居入城以符定制欽此

嚴禁大臣官員勒索

嘉慶二年五月內奉

上諭前據定邊左副將軍圖桑阿奏參贊大臣額勒  
春牟利營私各款當經將額勒春革職拏問派豐仲  
殷德前往嚴審矣續據喀爾喀王薩木丕爾多爾濟  
呈遞理藩院公文控告額勒春縱子妄爲及苦累蒙  
古各款覈對所發月日始知圖桑阿已問薩木丕爾  
多爾濟業經呈控難以掩飾始行補參而於額勒春  
肆意妄行諸重款仍未據實奏出復降旨將圖桑阿

革任一併交豐仲殷德審明治罪矣所控條內有烏  
梁海例進貢馬到烏里雅蘇台額勒春令家人向索  
馬四十四匹伊卽挑存二十四匹又勒索羊一百隻烏梁  
海祇應付五十隻一節可見額勒春貪鄙已極實難  
寬宥向來派往各路大臣於所管部落尙多有備帶  
賞需散給者豈有轉向所部人等勒索之理大失滿  
洲大臣顏面况額勒春曾任巡撫司道養廉豐厚積  
有巨萬家貲經朕派往烏里雅蘇台辦事自應於所  
屬部落體恤賚予方不失特遣之大臣撫馭外藩之

道乃額勒春轉肆行勒索殊出情理之外雖各該處大臣需用馬匹牛羊土物等項不能不向各該處買用其中稍知大體者自必多給價值購買卽貪小之輩亦不過官價給值何至有藉端勒取等事似此不肖貪黷劣員不特新疆各路爲然卽督撫中亦曾有敗閑蕩檢者朕實以爲慚也何以肅綱紀而儆官邪卽如前歲黑龍江將軍都爾嘉明亮舒亮索取貂皮以致激而上控從前高樸之私賣玉石格緬額之勒索回子而督撫中則有伍拉納國泰等營私貪黷者

不一而足一經敗露俱已分別正法發遣從重治罪  
並節經降旨明白通諭各大臣等寧不知之自應益  
懷儆惕共礪廉隅乃諄諄訓諭不啻至再至三今額  
勒春復有向烏梁海索取馬羊之事伊等不知自愛  
甘蹈刑辟固不足惜而大臣等每有此等不肖之事  
非辱滿洲朕實引以爲愧卽以私帶玉石一事而論  
首經降旨嚴禁於卡倫侍衛起程時人給一紙俾知  
提撕儆戒立法不爲不周而上年仍有卡倫侍衛恒  
義等夾帶私玉之事在此等窮苦微員一經犯法尙

當嚴辦示懲若大臣等出此更當從重懲治著將此旨通諭各省新疆將軍大臣及督撫等知之並各照錄一道揭之衙署大堂入於交代俾各觸目警心共知戒懼倘經此次訓諭之後復有仍前翫法者必當加倍治罪伍拉納高樸額勒春等皆前車之鑒毋謂朕不教不誡也凜之慎之欽此

嚴禁放官吏債

嘉慶四年十一月內奉

上諭給事中德連奏請嚴禁放官吏債一摺據稱京官初膺外任及京中候補州縣等官每多借官吏債使用以一千兩而論除去扣頭等項所得不過數百兩嗣後三月一換票以利作本不一二年間遂至數千抵任後虧挪庫項剝削小民希圖彌補種種貪贖自此而生等語向來放債人等私用短票扣折重利盤剝例禁綦嚴乃日久廢弛仍行違例巧取候選官員



等既不知自愛墮其術中又復自顧考成隱忍甘受  
遂使謀利之徒罔知顧忌而所借債賒日久累重無  
以清償因而挪移官項朘削小民此等弊端實所不  
免不可不申嚴例禁著步軍統領順天府五城各衙  
門嚴行禁止並密訪查拿倘有前項情事卽隨時懲  
辦毋得陽奉陰違致干咎戾欽此

嚴禁私役爲奴遣犯

嘉慶六年七月內奉

上諭各省及新疆遣犯內發給兵丁爲奴者均係情罪甚重特令其備嘗艱苦俾知悔過自新該管官於此等人犯理應隨時嚴加鈐束豈可令其充當長隨出入衙門滋生事端前此景熠將遣犯黃欽時留署教曲曾經按例治罪乃現據繼善奏路經吉林見埋事同知碩隆武之長隨胡成兒卽係發往吉林給兵丁爲奴之犯大屬非是除不准服役外碩隆武著交部

議處並恐各處似此者尙復不少著通諭各將軍督撫副都統及新疆大臣等嗣後於情罪重大發給兵丁爲奴之犯毋許貧緣服侍官長致啟干預公事之漸倘陽奉陰違一經察出定將容留服侍之員及失察之該管大臣等一併交部議處欽此

官員出外行走不許私去頂帶

嘉慶十一年正月內奉

上諭近來八旗子弟往往沾染漢人習氣於清語騎射不肯專心練習拋荒正業甚至私去帽頂在外游蕩潛赴茶園戲館飲酒滋事實爲惡習此案佟關保弟兄三人均係職官因與同旗之海德交好前往探望並不戴用帽頂卽係欲肆意閒遊爲此行徑迨海德歛留酒飯理應飯罷早歸佟關保係屬長兄尤應首先倡率乃輒因伊弟等飲入醉鄉直至傍晚趕城已

屬非是門領門軍等職司禁鑰稽察是其專責佟關保等既未戴用帽頂該門軍等何由知係職官乃佟關保因門軍向車吆喝時首先在車裏罵伊弟等亦隨同爭吵經門領哈福努喝問佟關保復卽下車與之揪扭吵罵以致擁擠多人碰倒鎗架攀損官廳榻扇實屬目無法紀此三人內佟關保之罪尤重著卽照部議發往伊犁充當苦差佟林托克托布附和滋事部議科以徒罪所議尙輕應一併發遣惟念該犯等係原任總兵七格之子七格前在軍營曾有微勞

且近已老病今其長子業已發遣用特法外施仁量予寬贖仍著御前大臣軍機大臣會同刑部堂官監視將佟關保佟林托克托布各重責四十板并傳集八旗年輕之侍衛章京司員等一同看視俾共知儆畏其佟關保一犯卽行發遣佟林托克托布二犯仍著於阜城門枷號一個月滿日釋放交旗管束嗣後八旗官員等如有不戴頂帽在外遊蕩者是不以職官自待又與平人何異該管地方官卽當查拏究治以示懲誡餘依議欽此

嘉慶十一年五月內奉

上諭前因佟關保兄弟以現任職官私去帽頂在城外飲酒滋事當經從嚴懲辦並明降諭旨令旗員子弟等務各謹慎自愛以飭官方乃甫閱數月復有倫布在街揪扭並不戴用頂帽之事積習相沿殊爲可惡若不明示例禁仍恐不肖之徒不自檢束必有復蹈故轍者嗣後現任文武大員以及職官如有私去頂帶出外行走之事是已不以職官自居一經查明奏即著降調示懲倘復另有遊蕩滋事情節即著先

行革職再候究辦卽宗室王公不自檢束竟有私行  
遊蕩之事亦照此例辦理自此次訓諭之後各宜顧  
惜名器慎毋自取侮辱以副朕教誨諄諄至意欽此



科斂攢奏財物

一內外旗員科斂所屬官兵財物入已及餽送  
人者照例議處治罪若因公攢奏財物不入  
已及非因公攢奏財物不入已者分別爲首

爲從照例處分

例載處分則  
創營私門

將軍大臣到任各處蒙古回子等餽送禮物  
回賞伊等物件

嘉慶十四年正月內奉

上諭派往新疆各處將軍大臣到任後該處蒙古回子  
等稍有餽送禮物將軍大臣等亦回賞伊等物件乃  
撫綏外藩之意故法所不禁唯必須厚往薄來始服  
其心卽如范建豐在烏什辦事大臣任內收受阿奇  
木伯克邁瑪特伊布喇伊木餽送馬匹及許多捨狝  
獐等皮張乃祇回賞翎一枝茶葉一塊殊屬見小有

乖體面希圖便宜范建豐業經另案降旨發往吉林  
矣伊罪名無可再加著卽發往吉林嗣後各處將軍  
大臣等於蒙古回子等餽送禮物時如果力能備辦  
回賞物件再受其餽送之物然必須所賞之件厚於  
伊等所送之物方可倘並未帶去賞件而遇伊等餽  
送時卽明白曉諭以現因無回賞之物故不肯受爾  
等禮物非有意不給爾等體面如此曉諭伊等聞知  
亦可不以未得體面爲憾斷不可如范建豐受伊等  
許多禮物而以此少物件回賞反圖蒙古回子等便

宜也各須潔已奉公將此通諭新疆各處將軍大臣  
等知之欽此

禁止餽送上司如意

嘉慶十七年十月內奉

旨松筠等奏覆訛健銳營匿名揭帖一摺健銳營上年  
奏改兵丁借款章程借帑調劑原係有益兵丁之事  
舒明阿妄意更張又不敢具奏輒於操演衆兵時揚  
言市惠以致召啟浮言昨降旨將舒明阿交部議處  
尙覺稍輕舒明阿著改爲嚴加議處拉旺多爾濟丹  
巴多爾濟係管理營務大員於生日收受該管營員  
欵送如意亦有不合著交部議處嗣後凡管轄大臣

所屬官兵有餽送如意者著嚴行飭禁委前鋒叅領  
德福於上官前有意見好代求購備禮物著交部嚴  
加議處匿名投遞揭帖之人交步軍統領等衙門一  
體訪緝務獲究辦餘依議欽此

餽送上司禮物

屬員因事夤緣餽送禮物以及餽送雖未收受彼時不將餽送之人出首後經發覺者均各照例處分

例載處分則例營私門

如並未因事接受

所部內餽送土宜禮物者照笞四十律議處與者減一等

禁令屬員購買物件

一各省將軍都統副都統以及駐防各衙門需用物件俱交承充買辦之人公平買送不得交中軍暨屬員購買違者照違

制律議處中軍暨屬員均照溺職例處分其有勒令屬員買送物件及短發價值或屬員藉此逢迎餽送者俱照例議處治罪

例載處分則  
例營私門



隨任子弟親戚干預公事

一官員隨任子弟親戚借辦公事之名與人接

見致有夤緣因事受賄滋弊等事或並無夤

緣因事受賄滋弊情事而與人接見出入無

忌以致犯法者

如酗酒闖殿賭博宿娼等事

將本官分別

知情失察各照例處分

例載處分則例營私門

一屬員縱容隨任子弟親戚藉辦公事之名與

人接見致有夤緣因事受賄滋弊該管上司

知情徇隱不行揭參者照例議處

例載處分則例營私

王等擾累旗下人員

一王等擅將旗下人員藉端擾累未經請

旨卽行治罪者該都統等奏

聞倘贖徇隱匿不行奏

聞者照例議處

例載處分則  
例營私門

旗人生事擾害地方

一外省駐防旗人有犯串結土棍放債盤利開賭囤騙准折子女強買市肆擅砍樹木閉市辱官等罪者本犯依律治罪該佐領防禦驍騎校協領總管城守尉將軍都統副都統等按所犯或係兵丁或係閒散照例分別議處如官員有犯此等罪者俱革職照例治罪係協領等官有犯將該將軍都統副都統照例分別議處若佐領以下官員有犯將該管協

領叅領總管城守尉將軍都統副都統分別  
議處驍騎校有犯將該佐領防禦協領叅領  
等官及將軍都統副都統分別議處如官員  
縱子作惡犯此等罪者本官及該管各官俱  
照例分別覈議至家奴有犯此等罪者家主  
係職官照佐領例處分若無職之人照例折

鞭責

例載處分則  
例雜犯門

該管各官俱免議

旗人私自出境

旗人私自出境藉端挾詐營私擾害者係職  
官革職兵丁革退交刑部治罪如係閒散交  
刑部治罪知而不禁及失察之佐領驍騎校  
並失察之叅領副叅領均照例分別議處以

上族長領燈俱照驍騎校處分分別辦理

族長

係官議處係兵丁照例折鞭責若將家奴差去犯挾詐等事

者係職官照例議處無職人照例鞭責

例載處分

則例關

禁門 差去之家奴交刑部治罪

一旗人私自出境取債探親者係職官革職兵  
丁革退如係閒散鞭責知而不禁及失察之  
該佐領驍騎校並失察之叅領副叅領均照

例分別議處

例載處分則  
例關禁門

以上族長領催俱

照驍騎校處分分別辦理

族長係官議處  
係兵丁折鞭責

一前鋒護軍步軍匠役人等私自出境將前鋒  
校護軍校步軍校照佐領例議處前鋒侍衛  
叅領護軍叅領步軍協尉副尉照驍騎叅領

例議處

一各省駐防官兵私自出境將專管官照在京  
佐領例議處兼管上司照在京叅領例議處  
如佐領等官有犯其隨同辦事之防禦驍騎  
校等明知隱匿不行揭報者與專管官一律  
議處

一屯莊居住之旗人私自出境屯領催守堡照  
在京領催例責處該佐領驍騎校遠在京城  
俱免議領催亦免責處

莊頭家人生事

一八旗莊頭家人在外倚勢害民霸占平人子女威逼人命把持衙門此等事發如係內府包衣所轄將該管官分別知情失察照例議處係王貝勒貝子公家人將辦理家務官分別知情失察照例議處係民公以下大小官員家人將家主分別知情失察照例議處

處分則例

雜犯門



官員宿娼犯姦

一官員宿娼及姦軍民之妻並強姦軍民之妻者照例分別議處治罪該管上司明知徇隱不行揭叅或失於查察者各照例分別議處

例載處分則  
例雜犯門

自行查出揭叅者免議

一官員姦家下有夫之婦者照例議處

例載處分則例

雜犯門 上司官免議

一官員宿娼地方官拏獲私放及得財私放者

均照例分別議處

例載處分則  
例雜犯門

官員鬪毆

一官員鬪毆凡折傷以上以及屬員毆該管官均議處治罪其該管官擅毆屬員及並無統屬官員彼此相毆者各照例分別議處其平日約束不嚴之專管兼轄統轄各官俱照例

分別覈議

例載處分則  
例雜犯門

官員罵詈

一凡屬員向該管官惡言罵詈或並無統屬因查點時彼此不合向查點官罵詈或查點之員擅行罵詈者各照例分別議處

例載處分則例雜犯

門

官員脫逃

職官及有頂帶人員逃走立即據實具奏通行嚴緝拏獲時革職交刑部治罪失察之該管上司該管大臣均照例分別議處族長係官議處係兵丁折鞭責備該管官捏作常人投遞逃牌及該管大臣不能查出叅奏者均照例分別議處

例載處分則  
例緝逃門

佐領等借放印子轉子銀錢

一八旗佐領下務將借放重利印子轉子銀錢之人不時查禁如有希圖重利典買官兵俸餉或夥同有力之家重利借放或領催等於中取利坐扣兵丁等錢糧者經佐領查出將借放銀錢之人送部治罪其本利由放債人名下追出交存該旗以爲獎賞良善兵丁貧苦旗人之用其借債之人責處所借銀錢免其著追

一佐領驍騎校領催等有在本佐領或兄弟佐領下借放印子轉子銀錢坐扣兵丁錢糧米石及夥同放印子轉子銀錢者佐領驍騎校革職領催革退俱交刑部治罪該叅領副叅領失於覺察者照例議處

例載處分則例雜犯門如佐

領驍騎校雖未出本借放明知該管佐領下

有借放印子轉子銀錢之人不能查禁反與

屬下兵丁保借者或佐領驍騎校叅領等平

時失於查察以致所管兵丁將官錢糧扣還

印子轉子銀錢者佐領驍騎校叅領副叅領

均各照例分別議處

例載處分則  
例雜犯門

以上領催

照驍騎校處分折鞭責

一各旗有無借放重利銀錢之處值年旗於歲

底彙總奏

聞如該佐領等能留心詳查於一年之內查出借貸

重利銀錢一二案者給與紀錄一次

保借銀兩

一旗員外任及監管稅務各官出京時重利借銀以六七百兩爲千兩償三分四分利息者該旗叅領佐領驍騎校等不得具保如有私行具保或從中圖利具保者各照例分別議

處

例載處分則  
例雜犯門



禁止官員入善會

一官員有隨入善會者經步軍統領衙門拏獲

參奏交部照例議處

例載處分則  
例雜犯門

查禁旗人入園館

一八旗官兵閒散人等有人園館觀戲聽曲相縱飲者或被步軍統領衙門拏獲或經本旗自行覺察係官叅奏治罪兵丁責革閒散人等照例責懲如查係各營官弁將該營大臣照例議處該管之都統副都統免議如係叅領佐領等官及閒散世職人員將該管之都統副都統照例議處若係驍騎校以下人等將該管佐領叅領副叅領都統副都統均

照例分別議處

例載處分則  
例雜犯門

都統副都統叅

領佐領等不得派人入園館內拏人致滋擾

累

禁止旗人酗酒

一 叅領佐領驍騎校族長等將所屬人等不時稽查管束毋許酗酒肆行該旗大臣亦不時訪察如於街道見有酗酒肆行者不論何旗之人卽交於近處堆撥步軍校派步軍等押送該旗係官覈明情由叅奏交部治罪係兵丁按情罪輕重責懲

禁止額魯特回衆混行闖走

一賞給王公大臣爲奴額魯特回衆內除前往  
圓明園城外操演及跟隨家主行走者不行禁止  
外其私自出城過關廂混行闖走者嚴加禁  
止有事亦不准遠行如必須遠處差往者各  
該主聲明實情呈報理藩院給與出城執照  
如無執照私過關廂者拏獲治罪若伊主不  
報明理藩院給照私令他往者照例議處

處分則例

雜犯門

嚴禁婦女入寺

一官兵閒散人等有縱容婦女入寺及隨入善會者經步軍統領衙門拏獲訊明縱容之人

係官議處係平人鞭責

例載處分則  
例雜犯門

禁止擗棺

一旗人自盡命案已經驗明令其擗送如有勒  
措攔阻者該堆撥及城門該班官兵拏送刑  
部治罪若知而不拏將該班官員照例議處

兵丁照例鞭責

例載處分則  
例雜犯門

妄行鎖禁官員

一官員犯罪未經奏奉

旨拏問者不許擅自鎖禁妄行拏禁者照例議處

例載

處分則例  
刑獄門



私請喇嘛

一官員將禁止處喇嘛班第私請至家令其過

宿治病者照例議處

例載處分則  
例雜犯門

補官爭告

一內外大小旗員缺出該管大臣揀選擬補時  
有爭告者將具告之人與擬補之人秉公衡  
量人材勞績照例辦理如人材勞績不及擬  
補之人仍妄行爭告者該管大臣叅奏請

旨交兵部查明妄告屬實係官照例議處無職入交

刑部治罪若擬補不當經部查出時將該管

大臣照例議處

例載處分則  
例選舉門

案後訐告

一內外各官經該上司列款糾叅之後乃將止  
司列款首告者奏交刑部審訊如果虛誣羅  
行治罪

侵欺官賞

一賞給兵丁之物該管官侵欺者叅革交刑部  
治罪同官明知侵欺於交部審問時不依實  
供或不知情者各照例分別議處

例載處分  
則例營私

看守城門

一看守城門官員縱令家僕依城搭蓋蓆棚賃人取租者照例議處家僕照例鞭責如容留閒雜人等近門歇宿將該班城門領城門吏門千總議處若縱容閒雜人近門拷火燒損城門或將蓄髮僧人失於查拏放入城內者將該班城門領城門吏門千總照例分別覈議領催兵丁照例分別治罪鞭責若蓄髮僧人入城棲止該汛步軍校拏獲者免議如被

旁人拏獲者將該汛步軍校照例議處

例載處分

則例禁

衛門